



შოთა რუსთაველის საქართველოს
ეროვნული სამეცნიერო ფონდი
SHOTA RUSTAVELI NATIONAL SCIENCE
FOUNDATION OF GEORGIA



UNIVERSITE
FRANCO
GEORGIENNE

შ ე თ ა ნ ხ მ ე ბ ა

სამეცნიერო თანამშრომლობის შესახებ

ფრანგულ-ქართულ უნივერსიტეტს (FGU) შორის

და

სსიპ - შოთა რუსთაველის საქართველოს ეროვნულ სამეცნიერო ფონდს შორის (SRNSFG)

საქართველოსა და საფრანგეთს შორის 2018 წელს თბილისში ხელმოწერილი მთავრობათაშორისი შეთანხმების ფარგლებში, ფრანგულ-ქართულმა უნივერსიტეტმა და სსიპ- საქართველოს შოთა რუსთაველის ეროვნულმა სამეცნიერო ფონდმა (SRNSFG), შემდეგში „ფონდი“, დაამყარეს შემდეგი შეთანხმება სამეცნიერო თანამშრომლობის შესახებ:

მუხლი 1. სამეცნიერო თანამშრომლობის ხელშეკრულების მიზანი

ამ შეთანხმების მთავარი მიზანია საფრანგეთსა და საქართველოს შორის სამეცნიერო კვლევებში თანამშრომლობის მხარდაჭერა დოქტორანტურის საფეხურზე ქართველი სტუდენტების მობილობის ხელშეწყობის გზით. მხარეები, თანასწორობისა და ორმხრივი სარგებლის საფუძველზე, მხარს დაუჭერენ მიწვეულ მკვლევართა საფრანგეთში სტაჟირებას ყველა სამეცნიერო მიმართულებით.

მუხლი 2. მიწვეულ მკვლევართა სამეცნიერო სტაჟირების პროგრამა

2.1 მხარეები შეარჩევენ და მხარს დაუჭერენ დოქტორანტურის საფეხურზე სამი მკვლევარის სამეცნიერო ვიზიტს საფრანგეთის კვლევით დაწესებულებაში ან უნივერსიტეტში. კვლევითი ვიზიტების ხანგრძლივობა იქნება 2 თვე. კანდიდატების შერჩევა მოხდება დია კონკურსის საფუძველზე, რომელსაც ადმინისტრირებას გაუწევს ფონდი ფრანგულ-ქართულ უნივერსიტეტთან თანამშრომლობით.

2.2 ფრანგულ-ქართული სამეცნიერო სტაჟირების პროგრამა (FGVSP) გამოცხადდება ყოველწლიურად, მარტი-მაისის პერიოდში. ამ პროგრამისთვის ერთწლიანი ციკლი

გულისხმობს: პროგრამის გამოცხადებას, აპლიკანტთა რეგისტრაციას, წარმატებული პროექტების შერჩევას, სტიპენდიების მინიჭებას, სტიპენდიანტთა ვიზიტს საფრანგეთში, საანგარიშო პროცედურებს.

2.3 კონკურსში ხელმისაწვდომია ყველა სამეცნიერო სფერო.

2.4 მიწვეულ მკვლევარებს შეარჩევს ფონდისა და ფრანგულ-ქართული უნივერსიტეტის მიერ ორგანიზებული ექსპერტთა შემფასებელი პანელი. შემფასებელ პანელში ქართველ მკვლევარებთან ერთად შევლენ ფრანგი მკვლევარები და ექსპერტები საფრანგეთის უნივერსიტეტებიდან და კვლევითი ცენტრებიდან.

2.5 ურთიერთშეთანხმების საფუძველზე, თითოეული მხარე განსაზღვრავს მათ მიერ წარმოდგენილ ექსპერტთა რაოდენობას საჭიროებაზე დაყრდნობით.

2.6 აუცილებლობის შემთხვევაში შესარჩევი პანელის შეხვედრის ორგანიზება და ჩატარება შესაძლებელია ონლაინ რეჟიმში.

2.7 მასპინძელი კვლევითი დაწესებულება/უნივერსიტეტი უზრუნველყოფს პროგრამის მხარდაჭერას და წვდომას მასპინძელ დაწესებულებაში არსებულ უნივერსიტეტის ბიბლიოთეკებსა და კოლექციებზე. გარდა ამისა, მიწვეულ მეცნიერს ექნება სრული წვდომა მასპინძელი დაწესებულების სემინარებსა და სხვა აკადემიურ ღონისძიებებზე. მასპინძელი დაწესებულება უზრუნველყოფს შესაბამისი მენტორის აყვანას, რომელიც იქნება შესაბამისი სფეროს მკვლევარი.

2.8 განაცხადსა და სხვა საჭირო დოკუმენტაციასთან ერთად, განმცხადებელმა უნდა წარმოადგინოს მიმღები დაწესებულებიდან მენტორის (აკადემიური პირი, მასპინძელი დაწესებულების მკვლევარი) მიერ ხელმოწერილი მხარდამჭერი წერილი.

მუხლი 3. ფინანსური მხარდაჭერა

3.1 სტაჟირების მთლიანი დაფინანსება შეადგება 6,300 ევრომდე; თითოეული მხარეს (SRNSFG და FGU) თანაბარი წვლილი შეაქვს - 3,150 ევროს ოდენობით.

მუხლი 4: საქართველოს შოთა რუსთაველის ეროვნული სამეცნიერო ფონდისა და ფრანკო-ქართული უნივერსიტეტის ვალდებულება

4.1 ერთი მიწვეული მკვლევარის სტაჟირება შეადგენს 2,100 ევროს, რომელიც ფარავს საცხოვრებლის, ავიაბილეთის (ორი მიმართულების) და სხვა კვლევასთან დაკავშირებულ ხარჯებს. ორივე მხარე (SRNSFG და FGU) თანაბრად (50%/50%) დააფინანსებს გამარჯვებული მკვლევარის სტაჟირებას.

მუხლი 5. მოქმედება, ცვლილებები, ხანგრძლივობა და შეწყვეტა

5.1 ეს შეთანხმება სამეცნიერო თანამშრომლობის შესახებ ძალაში შედის ხელმოწერის დღიდან და მოქმედებს 2026 წლის 31 დეკემბრამდე.

5.2 წინამდებარე ხელშეკრულების ამოწურვის მიუხედავად, მიწვეული მკვლევარის ვალდებულება შესრულდება სტიპენდიის დასრულებამდე.

5.2 თითოეულ მხარეს შეუძლია შეწყვიტოს შეთანხმება ოფიციალური წერილობითი შეტყობინების საშუალებით. ამ შემთხვევაში ხელშეკრულება წყდება შეტყობინების მიღებიდან 6 (ექვსი) თვის განმავლობაში.

5.3 სამეცნიერო თანამშრომლობის შესახებ წინამდებარე შეთანხმების დებულებები შეიძლება შეიცვალოს წერილობითი ფორმით, მხარეებს შორის ურთიერთშეთანხმებით.

5.4 წინამდებარე შეთანხმება სამეცნიერო თანამშრომლობის შესახებ განხორციელდება საფრანგეთის და საქართველოს კანონმდებლობის შესაბამისად.

შესრულებულია ქ.თბილისში, საქართველო, 2024 წლის 12 დეკემბერს, ორ ორიგინალში ინგლისურ და ქართულ ენებზე.

შოთა რუსთაველის საქართველოს
ეროვნული სამეცნიერო ფონდი

გენერალური დირექტორი

თეიმურაზ დოჭვირი



ფრანგულ-ქართული უნივერსიტეტი

კოორდინატორი

ევა ბერტნარი

